

曩

雲

閣

集

曇雲閣詩集卷三

吳縣 曹楸堅 良甫

隨園

鶴歸丁令已成仙指點匡牀枕碧泉萬卷尙誇羣玉府
一生空補女媧天名場談笑尊朱履香徑風花冷翠鈿
寂寞券臺容酹酒雙湖柳色自年年

祈雨行

青龍不闕白額虎千家萬家守焦土打石牛問石姥吁
嗟求兮雩之舞街東街西走擊鼓鼓皮裂太陽熱曬出
老農眼中血老農甯使眼枯苗勿枯甯使皮肉灼爛日

日暴但願沛然一雨苗皆蘇民自天民天不雨向
天呼天平天平哀我農夫農夫上有父母下有妻子一
粒不收一家灰上天好生不至此

待雨四絕句

毘曇咒盜龍呀呀黑雲如船翻老鴉手持幢幡十八葉
喚起阿香推雷車

雷車空中石鼓撞奔鯨出水怒未降研池一滴吸將去
墨花頃刻飛長江

長江已封河水乾雲輪高誦焚白檀桔槔車盡老農淚
十二童子隨元冠

元冠使者騎馬行前飛石燕後焦明雷公墨篆人不識
馬上一笑天瓢傾

別孫海珊

同寶

莘老相逢意氣真名園移榻倍情親交能耐久都緣淡
道可長甘不厭貧君有熱腸非任俠我無冷眼失斯人
搏沙放手尋常事香火還畱未了因

贈蔣澹懷

志凝

卽題其詩集後

其有不得意壁琴音悄然詩書各窮巷哀樂已中年落
木一聲雁長江千里船思君定何處梅月寫嬋娟

子將重赴

秣陵君亦
作遠游計

無錫舟夜

獨背篷窗坐征程又向西
斷煙漁火出殘月艣聲低
世事消杯酒家居念舊壑
芙蓉湖一片流不到桐溪

舊居桐溪

毘陵舟次

來往毘陵道扁舟一葉輕
鵲聲喧曉市帆影入寒城
買宅此堪老歸田計未成
行歌懷玉局羈旅不勝情

途次奔牛哭三妹四首

一世貧相累蒼蒼竟若何
艱難主中饋容易染沈疴
哀鴈中宵切奔牛幾度過
阿兄尙飄泊雙淚落寒波

庚午長安去怱怱一面來黃泉爾三載白下我初回醫
豈無良藥書誰寄大雷幽魂何處所風雨白楊堆
太息復何道人間恨莫平嫁時猶有嫂灰後并無甥舊
鬼逢新鬼三生候一生那堪思往事落日涕縱橫
老親頻問汝萬里滯音箋自隔晨昏後迢迢不計年素
書如一到白髮又淒然多少傷心語天涯未敢傳

金山阻風作

支枕篷窗日易斜松醪一醉未容賒

時行資已罄

長天漠漠

無歸鴈古剎荒荒有暮鴉帆影遠移京口樹鐘聲晴撼
海門霞不妨大徹堂中住靈運年來已出家

維揚城郭秣陵煙懷古心情總黯然形勢六朝爭鎖鑰
江山片石葬神仙月高烏鵲寒驚起潮落魚龍夜穩眠
明日東風催去櫂琴瑟蕭瑟又殘年

薦士用昌黎原韻寄吳玉松太守

雲彰德

賡歌盛虞廷喬皇婉謨詰后夔不可作神游千載到近
古壇坫尊齊晉各名號九河旣分流用力在疏導吐納
成身文於中見節操流靡妍新聲精氣坐消耗時或鬪
繁采雕琢失靈奧豈無大雅音詩囿聒業噪弓玉非所
儲貨也乃書盜如何起衰懦坦坦夷路蹈凝神主虛靜
覃思絕浮暴豁然通關鍵曲折赴堂隩詩人有蔣生所

志特奇驚淡泊契古愚酸鹹違俗好爽爽露風骨入世
譏叫鼻苦吟闌天真秋水刷潢潦長貧堅士節造物厚
其報浪跡煙水間扁舟載茶竈落拓不受羈紅塵苦昏
眊刺字久漫滅孤懷去矜躁仰屋迫飢寒青鬢易衰髦
慨焉事遠游霜露肯一冒所怕謁貴人面色作倨傲惟
公安鑒納名流競趨造緇衣一朝賦夏屋無不燾偶逢
跡弛士扼腕爲嗟悼鄴下故多賢欣欣投紉綯蔣生不
得志下走以書告遣愁無酒肉隨身有席帽掉頭發狂
歌觸景心所繆吉蠲薦蘋蘩異彼春羹芼齊盟執牛耳
玉帛會邾郚如云託苔岑要可契同瑄犄角占心兵朱

卷三
崔揚左巖長風送詞客牝壁毋煩禱大地回陽和鳩雛
共春菹矧茲涸轍鮒甯假西江漕幸副飢渴懷去矣勿
惱悞閹者不受賂先以一詩犒太守古風流定用斗酒
勞

安園作

園爲金陵張侯故第時陳雲柯方伯被議後寓此

舉白休將世事論蒼厓倚坐晚煙昏
嘒烏猶認張昭宅羅雀眞成翟尉門
小院迴風聞笛響空廊過雨長苔痕
春人祇自添憔悴一樹繁花照斷魂

海棠
盛開

海棠二首

一桁珠簾捲落霞十分顏色占韶華
莫催鴉鳩聲聲喚

最好垂楊面面遮宿酒未消妃子醉重臺原是美人家
鵝紅柔綠知多少直得春陰護此花

絲纏露泣易黃昏鈴索聲中自掩門銷盡春愁原沒骨
吹殘風信又無痕不教然燭驚伊睡生怕題詩斷客魂
欲遣歌脣銜雨看淒涼誰與伴清尊

海棠零落殆盡詩以弔之

恩恩庭綠化淒煙斷盡三生豔笑緣那有芳華長爛漫
本來顏色太嬌妍青春中酒渾千日白下看花又一年
任是東風休嫁與深紅狼籍不知憐

秦淮花月行

柳絲吹煙春濛濛東西畫橋雙槳通月照水魂蕩淒碧
花作人心搖豔紅衣上新香和瓊屑雪腕楚絲冷光咽
嬌雲流月銀漢波玉兒腸斷花時節胭脂井深發綠苔
雞鳴埭前呃喔催銅壺丁星粉痕凍疊翠屏山壓愁重
簾外鶯嚦到五更熏鑪不暖春人夢長時對月恨無花
花影當中月又斜有花有月不成醉蠟燭溶溶墮紅淚

瞻園夜坐

西軒殘暑退孤坐得幽境竹深夕翠交微月澹涵影隔
闌螢點稀廢緣見秋井幽香動蘿際平煙出松頂露下
眾蟬歇風多一蛩醒遙聞官鼓搥靜覺單衣冷片葉墮

空廊澄懷抱孤警

懊惱曲

溫香簾幙湘煙織美人嬌壓桃花色蜂黃蝶粉不勝春
盡日東風暖無力鸞柱雙調瓊瑟聲未是無郎卻有情
秋眸脈脈千金意天使李嬈愁一生珠房簌簌輾雲護
錦衾密語燒蘭炷冶葉倡條大道旁鶯飛不戀他家樹
轆轤牽絲金井寒一春紅筍噉闌干鴛機織斷同心結
重檢眞珠細字看年年秣陵花歲歲秦淮月望月月如
鉤對花花如雪今夜明星三五低明朝溝水東西別

漫占

一笑凌雲氣未攄漫將洿行薄相如公卿若解詞人賦
狗監何因薦子虛

別離曲

門前木蘭燒西風日夜潮送郎青溪渡郎向平江路昨
日歌與舞今日灰與塵轆轤不離井那得隨郎身郎折
雙荷花不惜藕根死妾自採蓮房辛苦抱蓮子

丙子十一月二十八日移居城中西支家巷作

辛苦移家覓數椽安牀支日事初便經營一任嘲鴟拙
風雨從教免雀穿寒豔汲深添井索貧厨味少減炊煙
敝裘典後春衣少隔月先愁賃屋錢

三年浪作白門游陳跡怱怱感去畱那有林泉容嘯傲

翻來城市避喧啾

卷頗幽僻

燔柴薄具瓶盆祭仰屋仍無儻

石謀腸斲鱗鱗溪畔水春波曾照舊妝樓

丁卯戊辰居葑門

落拓生涯笑鯢冠孤吟聊放酒杯寬無多婚嫁他年累
得免飢寒此事難開徑何勞尋蔣詡閉門只合臥袁安
空梁畱得巢痕在好與春來燕子看

讀錢唐遺事三十首

題詩空認舊宮牆煙柳依依春晝長幸是慈甯生浙臉
山河依舊屬錢王

中原回首路迢迢誰把詩題白塔橋生就百年歌舞地

不妨賣酒讓袁樵

蓬頭笑面綵衣拖和合家家畫像多
萬里龍沙歸不得
民間空祀萬回哥

重湖疊巘總無情翠幕風簾盡不成
一樣洛陽花世界
填詞休恨柳耆卿

親戚還兼夾日功虛編講義進宮中
兩畱說好龜年退
區處何勞問相公

寂寂空城占洛陽霎時涼徹見

胡甸切

紅黃出師虛議三

京役采得蓬蒿當卒糧

吳山高閣迴淩虛英衛千秋壯御書百五十年讎未復

青詞還用醮靈胥

往來舒卷一天雲
謠出聲中九廟焚
畱得潭潭丞相府
殿前眞賴有將軍

半壁江山重守邊
余家爭似孟家賢
當時猶有彭文子
殘蜀支吾二十年

西風割面嘆閒身
舍長何勞說主賓
別有厚貲取卿相
廟堂誰是讀書人

獨把高低兩眼觀
軍門鼓歇巨蛇蟠
判他母子三年淚
不負當初絹十端

巾幘從來有俠腸
煩他親手解銀鐙
帳前迎取都頭到

分付營齋薦八孃

憔悴龍川七十翁
飛天枉說大蜈蚣
半閒亭上笙歌裏
此是人間業毒蟲

紛紛彈劾有臺臣
斗弩功高宰相嗔
自有擎天雙手在
由他西廡立多人

白鶴城邊堡築完
襄樊一帶戰場寬
急攻緩取商量就

賺煞南朝黑炭團

按三美政要
作黑炭團

太乙龍翔禁禦連
西宮湖上備遊船
內人乞取封樁庫
更有民家獻助田

小閣芙蓉溼露華
御前催上五雲車
太平天子眞閒福

排當朝朝爲賞花

御厨七寶盃羹湯四朶宮花壓帽香記得玉壺園裏事
艤舟爭看狀元郎

玉輅升時雨不休明堂盛典又親修只因換卻逍遙子
師相三番御筆畱

頒律新裁御製篇任他流血滿三邊平章湖上閒無事
日日監追打算錢

堦塙奇零算不差公田良法至尊誇乾坤一擔都收去
寸地何曾屬趙家

塔影粘來疏未消勸緣因果問僧寮千緡那了行童願

盡把江山施北朝

三魁送別話依依李璿扁舟早見幾他日朝堂空挂楠
九年前有幾人歸

閒來打坐習蒲團參養湖山事業完儘把臺章供月課
逢場演作戲文看

早將三策獻師臣投拜居然兩字遵若使朝廷容瞎賊
江南那少這般人

犍尖乘勢陽襄垣慟哭巡城竟絕援六載支持同末路
先鞭還讓鐵胡孫

改會行關次第施招軍實狀幾人知相公好好三年做

記取鳴鑼夜半時

一著猶圖血戰功分明殘局誤宜中孤兒從此投降表
此錯無因怨壑翁

立馬吳山展畫圖鬱蔥佳氣有還無可憐一卷行程記
直自臨安到上都

何處英雄覓仲謀歌臺舞榭賸風流終場休信蓑衣卜
那得還他一百州

贈內

手把瑤琴一再彈錦閨重見月團圓秋絲莫遣青銅照
玉質還憐翠袖寒八口齋鹽煩料理十年衾枕話辛酸

要知慈母恩勤意不衣蘆花未是難

東蔣大

志疑

時僦居元和道院

襖被蕭然戀一貧荒荒祠宇伴青燐

君所見

早年詞賦輕

餘子隨地鶯花病此身影事不愁謠詠險奇窮翻坐性

情真論交猶有朱公叔日暮天寒念爾頻

謂西生

戊寅四月十八日自吳門攜家至江浦用工部彭

衙行原韻贈王四明府

規

馳驅非王事胡爲行役艱南踰瀾滄水北走盧師山亂
髮飛蓬茅緇塵滿容顏暫爲幕府客故里得往還宣明
而畏見鼓角耳厭聞高吟發狂疾不顧他人嗔惟耽干

鍾醉強就四簋餐一朝掉頭去去志不可攀故人篤高
誼頗念綈袍寒綢繆書札裏脫畧形跡間前年典衣裳
陋巷賃數椽親朋或過我寒廚起炊煙時復屏人事風
雪門常關思君欲呼權迢迢隔江雲晨起乾鵲噪剝啄
來打門貧交不予棄惻然感心魂全家載一舟柳色侵
河干黃昏泊浦口奴子辦夕飧鄉音聽最熟握手逢賢
昆遇明府令兄於棲霞舟次遂同行縣小民俗儉客居有餘懽相視等
骨肉不愁累豬肝人生百年內安得無憂患與君且爲
樂痛飲榴花前

八月十六夜同蔣大

志疑

攜酒登浦口敵臺望月

醉後作歌

明河爛爛星滿天
臺隍夜色蒼霞連
壤雲西走月東出
玉宇不動冰輪懸
舉頭四顧渺無際
長江一道空澄鮮
金陵城郭隔煙樹
對面微露青山痕
低空漠漠霜鴈斲
蘆花如雪搖秋魂
江光月光併一白
溼銀萬斛融乾坤
一杯酹江復酹月
十杯五杯倒捲金
波吞蔣生飲罷馱
不言曹生懷古心
悽酸當時連雲盛
甲舍溫幃密帳藏
嬋娟夜深華燭照
歌舞春風嬌著

直畧切

羅衫寒侯王將

相總寂寞惟有中天皓月江心圓

明初勳臣第宅多在浦口

尊中有

酒且盡醉與子高詠芙蓉篇三更露下月當頂江水漾

作琉璃煙振衣直上跨黃鶴鐵笛吹醒蛟龍眠君不見
洞庭木落鰲狄叫萬古不解騷人冤鄒枚詞賦亦何用
至今風雪淒梁園蓬萊弱水流潺湲幾人得到蓬萊巔
手瀉長鯨吸飛泉瓊樓珠闕在眼前大呼太白仙乎仙

石城曲

石城花飛當晝長飛花一片吹故香昨宵歌舞向何處
歛醉凝眸粉黛光量盡胭脂井中水灑作鴛鴦瓦上霜
洞房窈窕鎖春色嘶過斑駁空斷腸

九月自江浦移家至泰州途中作

全家總飄泊此去又淮東潮長五更月江行一日風音

書斷親戚啼笑有兒童但識齏鹽味生涯處處同

寄蔣大

志疑

六合

吹面西風搖落時綈袍應少故人知吳宮花草除瑤想
蜀國絲桐寫豔詞庭院霜多楓葉老江關秋盡鴈聲遲
恩恩聞說拋長鉞何處琅玕寄所思

君於五月應張明府之招今聞明府

將去官

題宋于廷廣文

翔鳳

城南鐙火圖

清時各有淩雲策壯游我亦長安客五年秋味一鐙知
夢冷關河鴈飛夕青蛉邊塞且蘭城小小爭傳瘦客名

君舊字

相遇京華不相識九衢車走姓雷聲諸子同時

瘦客

盡無輩袞袞聲華吁可慨一生富貴長日賒萬古光
短檠對多少輕煙傳燭家寒缸灑灑搖心花祇愁宣武
坊南路惜別懷人雙鬢華歲暮吳陵共杯酒往事鴻泥
悵回首挑鐙重話少年心一穗青痕照疏牖

蔣大

志疑

自錢唐來出陳五

桐生

感懷詩見示卻

寄

月一番圓酒一中不應去住太恩恩過江那便稱名士

仰屋徒傳有寓公

四月中移家江浦旋之泰州

舊雨驚看絲鬢改晨

星寒話蠟鐙紅荒黃無限蘇堤柳樓上春痕記雪鴻

今春

上元前與澹懷西生諸君爲西湖之游寓萬峯樓者十餘日

煙外雙橈破浪紋招邀曾訂白鷗羣看殘楓葉應遲我
開到梅花又別君去去天涯催急景迢迢江路望歸雲
近得家大人信以重來若果濃春約淡白香紅定十分
九月自滇歸里

己卯春家大人歸自滇中有寓齋述懷寄示里門

戚友之作恭和原韻

飢驅并一家去住計已熟父曰子還歸夜起挑鐙卜越

嶺尋行舟舟艤金山麓

去年九月大人自滇啟行今年正月方抵京口嶽堅自泰州聞

信往

骨肉乍團樂大地回春燠喜極無可言百願此時

足邈舊雜歡哀揆今參倚伏數椽衡宇非卅載風塵逐
窳劣待經營念此腸轉轂吾家本清門世抱一經讀儔

侶或過從酸寒共指目講學宗蘇湖稱師媿賈服長貧

且寄居窮巷喜拋俗奉我白髮親賃彼紫藤屋

鐘樓巷
寓舍有

紫藤物情同悅愉生意到花木昏定問暖寒晝誦免樵

牧馬懷素流寓江
都時晝樵夜讀觥觥蔣子于驚人句爭錄

澹懷亦
有和章招

攜偕豆觴探討徧籤軸閱茲隱霧輓勉旃凌雲躅何以
慰高堂秋半三條燭何以守令名兩餐飽蔬菽我父頷
此言笑飲盃中醪來日未云難去者莫可續

贈高紫嵐舍人

筠

人生塊然一倮蟲百年爾耳蒙復蒙不盲於心盲於目
造物玉汝非眞窮君不見輒紅塵中襍襪子睥睨富貴

趨如風長街蹀躞五花驄黑白到眼虫昏膏瓊廚金穴
足快意左右顧盼矜豪雄不爾捨身羅綺叢粉圍歌舞
酣房櫳行尸走穴昧且聾飛光眨眼驚電睽滔滔江水
長流東我獨羈棲歎轉蓬僵抱秋氣悽吟蜚酸風蕭條
射眸子白日欲晦紛吹霏夜讀細字愁盼矐得驚人句
指雙瞳如君健筆摩高穹少年射策登蟾宮文昌光芒
生睽睨一眚那得災其躬凝精收眎歸虛虛揮斥八極
涵鴻濛更將元理參絲桐靜者多妙琴乃工仙心彈入
冰絃中

君精於琴以
琴詩見示

幾輩聰明徒擾擾太阿之柙能藏

鋒烏虜造物玉汝非真窮

坐雨東蔣 志疑

一雨洗炎燠庭陰晝不開予情眷幽石寒色上莓苔懶
欲廢詩卷貧宜疏酒盃夫君獨清曠復此抱琴來

東黃五錄事 延祺

淮南第一州桂樹山之幽風物有如此神仙不可求爲
邀梅福住且與梁鴻游長遂暮雲外相攜吹古愁

報罷口占柬諸子

浮雲變幻總無端秋鬢蕭騷慣耐寒自昔琴材收豈盡
到今碁局看都難潛魚未擬誇鱗鬣倦鳥猶能惜羽翰
多謝天涯數知己爲攜尊酒話辛酸

長歌贈康文學

發祥

卽題其三十小像

北風倒捲黃葉堆織烏西走義鞭催老鴉叫林山鬼笑
鳳皇騏驎皆凡材齷齪弱水浮蓬萊欲往從之目眩金
銀臺男兒三十不得志鬱伊懷抱何時開貴不能肘懸
斗印手握符富不能以金爲穴瓊爲廚席帽當頭雪片
羸隆冬打門來索逋毛錐三寸禿無用短檠相對鏤心
嘔血胡爲乎康君康君爾健者玉立長身顏非假青雲
自昔千有因白雪於今和尤寡講席飄零淮海間相逢
爲把牢愁寫君家對山第一流片紙解得貂璫讐崆峒
薦後悲淪落琵琶彈冷蕪城秋噫吁嚱文章氣槩終何

有萬事浮雲變蒼狗賈生太少馬周遲痛飲唯宜指我
口爲君歌歌聲酸吳鉤起舞霜花寒今年青鬢明年改
去日蕭條來日難君今讀騷還讀史吾欲空江采芳芷
作圖慎勿示餘子道有揶揄不能止

俞激夫廣文

國鑑

招同宋子廷

朋鳳

蔣澹懷

志凝

集飲偕游繆氏水西園卽事三首

貧賤百無取乃知歡我真名場誰健者交誼見斯人祇
可菊相對莫辭酒數巡蕊尊休更卜蕉萃楚靈均
蔣宋各奇抱平生詩最工風塵吾輩少盃酌此時同舊
壘無棲燕寥天有去鴻吳江話歸櫂楓葉舞霜紅

時澹懷客

居子廷將北上
予有里門之行

名園一徙倚
暫此愜幽襟
鶴響不知處
林亭秋已深
蒼涼千里目
栽種十年心
好訂探梅約
白雲應可尋

過宋大

翔鳳

夜話

脈脈繩河澹碧空
譚深頻翦燭
花紅隔牆蛙
占官私地
過樹蟬爭斷
續風壯歲精神
孤詣在勞生
心事幾人同
冷吟畢竟清齋好
宦海於今類轉蓬

可稱清齋作
冷官君近句

枕上口占

八尺龍鬚方錦褥
冬郎麗句最堪思
年來并斷游仙夢
一枕新涼蝶未知

題徐竹薌

鳴珂

研北花南詩集後二首

一編對寒牖不覺坐生春
卻憶題襟館長畱文字因鶯
花遲舊雨樽酒及芳辰
無限新楊柳江波愁煞人
寥落成秋士余懷共黯然
相期采蘭芷極望滿風煙
妙手工湘瑟懷心付蜀絃
長空有明月流影自娟娟

維揚舟次別王四明府

覲

五首

悠悠長天雲渺渺晴江樹莽莽
離別懷鬱鬱向誰訴與
君八載交誼比金石固夙因
那能知適然此生遇一窮
百事慳朋歡天亦妒忍涕送
君行強云圖後晤淮水自
西流傷心夢中路

我有祖未葬窀穸君是謀我有親未養饗殮君是周過
江作寓公晨夕欣綢繆疎狂眾口誚規我不我尤盡言
世所忌君乃從如流素交交有道一洗脂韋羞鸞鳳見
搏擊鸚雀爭嘲啾懷哉君子德令名以相酬

宰官豈無人得民良不易吳陵老詩伯慷慨歌廉吏俞激

夫學博製廉吏不可畱孰爲蒼生計夾道擁香煙中有

萬人淚君治泰州三載去任日士民感泣設生位於靖海樓諸處徐禮華先生贈行詩有夾道香煙擁

不聞句南箕何揚揚列宿失其次雄劒叩不鳴白晝走

紀實也精魅我欲舉離觴勸君千日醉

離觴且勿御同君至維揚珍重兩宵聚未別先仿惶東

風吹子袂暮雨霑我裳官書一紙來火急催分張去去
愼跬步荆棘無康莊功名事莫必爲君整行裝君勸余
赴京兆
試將以五
月北上
邗江嗚咽水東西各帆檣已矣竟分手默默
神摧傷

神傷默無言寸心非我有淦長窘其步邛邛負之走骭
髀百不可肝膽託良友昔者別金陵相見一載後此別
縱易逢未卜暫與久美人撫搖琴欲彈再停手寫我長
相思含情寄瓊玖嘉會豈無時所期在白首

寄別蔣澹懷

志凝

甲戌秋九月識君絳雪廬

沈蘭如
齋名

襟期脫塵壒意致含

鬱紆連城闕光采眾乃貴砥珪一編夜深讀冷月窺方
疏風露洗其骨鏘然韻瓊琚我將往白下長年困飢驅
相逢還契闊執手重踟躕踟躕意何極游子去鄉國日
暮江波生人景兩蕭瑟裁書剖魚腹上言長相憶謂君
到河南迢迢斷音息君將往彰德訪吳玉松太守不果行八月桂花開好
風吹君來丙子秋賦同仕秦淮美人弄顏色勸飲頗黎盃四座忽
不樂歌我決絕詞各各怨遲暮君亦傷蛾眉蛾眉苦謠
詠蘭室紛資施片帆先後發去去江之湄梧桐滿寒色
葉落姑胥臺胥臺盛羅綺被服粲之子朝行翠館側暮
宿紅樓裏芳草寫幽憂褰衣采蘭芷告我武林游還涉

茗溪水歸來囊無錢愁病入飢髓我時賃一椽暫得居

鄉里鄉里不可留四月戒行李

時予挈家之江浦

送我桐橋頭

別淚灑清泚故人有書來

謂陳芝楸

道君在棠邑開門忽逢

君歡語不及揖客居地湫隘呼奴掃塵榻小縣無嘉肴

朝廚爨紅粒五月之下旬其歲在戊寅同爲過江士同

作下第人全家歎蓬轉行路多艱辛偃偃君何適中道

失主賓

君應六合張明府記室之招未幾明府去任

是冬買扁舟訪我於吳

陵風雲氣剝喪冰雪寒冷兢中宵共清話窗牖明孤鐙

豈無授餐者落寞不相親窮涂志寡合吾友能識君

謂菊

泉明

君亦願我言一枝可容身吳陵三載住游覽多嘉

辰西園楊柳夕

西園一名方洲在泰州治

曲沼芙蓉春雖無肉如坻

雖無酒如澠時時共燕衍日日會簪巾由豫大有得歡
樂難具陳人事易變遷一旦成乖阻送君木蘭橈別我
鴛鴦侶邗江鳴咽流明發催雙艣君爲秣陵客我作長
安旅白日慘離顏銜碑不得語皎皎月當戶落落星在
天裴回寫中情調急無緩絃翩翩雙黃鵠因風寄長篇
相思會相見恩情勿棄捐

五月十日自泰州北上錄別三首

三載留吳陵鬱鬱本非計慨慷故人情

謂菊泉明府

遲回游

子意此行等蓬累全家尙萍寄敢侈秋賦才重整春明

嚮屈伸事偶然長安居不易有僕嘲夏侯無金媿蘇季
帳飲泛榴花離觴不成醉連日徵夫竹籬春岩諸君相
餞泛榴花而祖道見駱賓王
序檢我舊征衫臨歧一揮淚

弦詩譜南陔菽水艱一飽萬里度青蛉心憂髮先皓風
霜閱境多團欒計時少出門事難知在家貧亦好親心
半戚愉第說歸期早早歸亦何爲謀生殊未了炎風吹
驚沙勞人何草草顧瞻反哺鳥迴翔宿林杪

結襦今五載未知生別離晨興覽行色零落雙淚滋計
程詎云遠止止勿復悲身非鴛與鴦誰能守雄雌卻憶
昔年事辦裝每無貲及余賦北征潘鬢先成絲歡哀情

屢換纖烏去如馳歸當謀斗酒與子炊屢屨

高郵道中

欲采幽蘭寫客愁水天寬處占閒鷗孤帆漠漠破煙雨
三十六陂都是秋

淮安舟夜

翻爲故人去十年無此懷離程渺煙樹天意釀陰霾放
酒來船少將車我僕偕喜涼成小極今夜宿清淮菊泉助行
資促予
北上

滕縣道中

蘆鞭斜颺午風低林腳初消飲澗霓過雨煙嵐青不了

棗花香裏鵲鵲呢

至都門作

輾轉征車得暫休鄉音還喜結同儔

子和蘭如俱在都

幾年作

客消青鬢前度題詩過白溝有酒且謀燕市醉好山都
占薊門秋秣愁一夕涼風起點檢曾無季子裘

出都別諸同好

各有窮涂淚淒然一別中音書千里斷鐙火昨宵同馬
磨憐生計驟綱逐曉風行蹤休更問聚散總飄蓬

歸舟口號

水雲疊疊樹層層
瑁璫歸來百感增
家本江南住江北

一舟寒雨話吳陵

書高冷良鑒吟香軒詩稿後

詩以寫性情風騷託遐旨美人抱秋懷幽馨墜蘅芷藻
績豈不工恭然喪所恃君詩劇清新春綠瀉生紙短歌
殊寥寥長言亦纏纏勿學箏琶音滌濫悅人耳冥心遇
眾妙懸解得神理要當激其源力可追正始

湯節婦詩

離則集樹鳳則集梧婦有夫婦有姑

解一

嗟哉鳥畢逋不

見烏生雛昊天不弔哀何辜婦有姑婦無夫

解二

夫从從

地下姑老且病小郎弱小誰撫者死不得死淚盈把

解三

生以養奉甘旨殂以葬鬻釵珥夫死姑亡事已矣小郎

長成大可恃但願小郎早生子

四解

天乎胡太酷死喪相

繼如轉轂一門畱此一塊肉卷舌入喉不得哭

五解

莫辛

匪蓼莫苦匪荼嬛嬛娣姒守厥孤嗟哉烏畢逋自有反

哺烏反哺何必親生雛

六解

王柳村

豫

餉筍

寓居屋數椽其東有廢圃若使種竹竿籜龍肯赦女生
計百不勤饒涎悔何補坐看三春時苔色漬深土侵晨
睡正濃剝啄驚打戶眼明蒼玉來觶觶呼僮數因思肉
食者式燕侈樽俎千畝屬詩人此福君占取平生畏公

卿開口見寒簑一笑先脫綳十指定幘釜微風裊廚煙
飯香日亭午

題王小村屋江亭論詩圖

君家翠屏洲江山娟清景高閣敞虛寒詩魄蕩靈境
柳村先生居詩徵淵源得宗風凡響脛鼃龜幽花擢古
閣選詩三十餘年奸獨鶴抱深警物論自可齊靜者多妙領繫予困塵鞅
機鋒息馳騁何當斂蘿扉芒屨蹋雲影

哭俞三廣文國鑑五首

急湍無汎流高樹多颶風百年亦易盡憂患安所終夫
君稟清尚懷璞垢勿蒙治詩能適性治體能束躬使之

任風教足以振瞋聾胡爲避心疾天意人難窮

君選授通判學

正以疾

未之官浮榮逞朝槿勁質凋霜松怱怱日沒西湯湯水

流東爲君絕琴絃塌然摧心胸

僑居及五載塵容息犇馳與君稱莫逆風義兼友師同
儕有蔣朱各各擅文詞花時共歡宴爛漫春風吹一朝

開祖餞百憂感臨歧

去歲四月瞻懷之金陵五月余北上八月于延奉諱犇山左

我

歸君已病握手驚虛羸浮萍逐流浪聚散誰能知舊雨

有時合君今長別離春風會再來良友無兒期

君家本寒素生計事筆研仲兄倜儻才腰腳喜長健朝

猶抵掌譚夕已生芻糗

令兄可樓於二月二日辰刻過予劇談病發而歸卽以是日殞

門戶悲弗支鵠原痛遭變見我涕泗垂沈疴料難遣別

君至維揚旦暮可相見誰知五日中與君不復面予因君事

以三月晦日赴揚迨初五日歸而君即於是日寅刻捐館寸根葵連枝尺光謝飛電

悲哉薤露詞長歌淚如霰

早衰須鬢白志士多苦辛碌碌享壽考未灰猶陳人當

年題襟館大雅雙扶輪元龍先物化叢桂畱吟身君與理堂

學博均受知於賓谷都轉詩應百口誦名豈千秋湮況有偶才子鳳

毛期一振令子翔治已補弟子員萬事歸冥漠二氣互屈伸逍遙

捐旦宅閉目恆河塵嗟來桑戶乎而已反其真

椒櫞充我幃蕢蕢盈我室我前鰥狖嘒我後虎豹軼太

息不可留今日非昔日幽憂思美人銜碑向誰說江深
波旋濃山高雲僊峯冥冥長夜臺魂夢來未必鬱鬱松
柏壠萬古薶詩骨我生愁無涯君歿事已畢一慟蒼煙
霽旋風莽蕭瑟

無題二首寄示蔣大

志疑

翠袖教新舞羅幃充下陳千絲休結網自有浣紗人
欲卻明珠聘先吟團扇詞那因畏謠詠妾未是蛾眉

口占寄蔣

志疑

蕭騷風味屬吾儕別有閒愁未易排水閣疏燈板橋月
與君三度客秦淮

寄方子春孝廉

垌錢唐

五載去西湖塵面不容灑君從湖上來風松出齒齟相
對冰雪姿肝鬲瀉清快雜花眷餘英眾綠氣已解泠泠
鼓七絃使我百憂瘥

春杪在紫嵐舍人
齋中聽君彈琴

嘉會良有因矜

心別流派淮水生離愁明發榜人喝僑居掩薜蘿停雲
寄遐嚼

富貴已無分秋風重感予大江流白下將子尺素書

秋賦

時在金陵得君
書并行卷一冊

何用慰情好欲報再躊躇挑鐙讀行卷

一一瓊瑤琚古懷中醞釀妍詞外剪與才應萬人敵業
可千秋儲寒冰戒馬首無爲驥子祛庶幾宏著作弗忝

承明廬

君將公車北上

梧葉落滿階平林淒已歇徘徊步中庭霜氣皎孤月懷
人山水鄉相思甚含噓客游悵前塵佳處未恍惚幽夢
落松顛蒼寒入詩骨

松顛閣爲理安最勝處

因君語白鷗浮生共

沒沒窮達各有懷誰云比鷓鴣持此報素心何時理巾
幘

懷人詩八首

蔣澹懷

志凝

萬感不能說寒蛩聲亦無寂寥山月上心跡海雲孤世
事但流水予生長集枯美人獨不見誰爲采薜蘿

時客江浦

孫子和義鈞

臨別一尊酒蕭蕭愁思多生涯同已矣歸計近如何舊
宅淒蘭麝空山怨薜蘿殷勤望書札朔雁幾時過時客都中
去歲有驕省之悼

王井叔嘉祿

從古二分月清光留照君風塵誰巨眼家世本能文臘
鼓催歸櫂相思隔暮雲重來看春色愁煞杜司勳時客揚州

朱西生綬

一病竟歸去秋風知爾心秋試金陵君先以疾返里頻年傷骨肉窮
巷有山林寂寞思同調荒寒入苦吟西湖湖水綠舊約

最難尋

陸東蘿

損之

落落不如意孤懷託酒杯疏狂難入世跌宕此奇才老
屋楓江畔梅花應未開輸君一雙屐寒綠破莓苔

沈蘭如

彥曾

不意君如此誰能叫九閭長安風雨夜一別事難論兒
女零丁色麻衣血淚痕故交半寥落相慰在賢昆

君自都中

歸後奉嗣父母
諱繼以喪偶

沈閨生

傳桂

放眼無同輩君才自絕倫風雲千里志詞賦六朝人作

客計良左相逢情益親如余歸未得家食莫言貧

褚仙根

逢椿

日落賦山鬼懷哉窮士廬艱難八口活蹤跡十年疏聞
說轅轅道將陪使者車勝游易慷慨弔古意何如

時應河南

學使之聘

和蔣大

志凝

長歌述懷原韻卽寄

春寒十日九日陰怪鳥啁啾嘯空林泰墩東望海氣肅
屹立祠宇韜幽森道人乞食晝不返龕火夜息冬無衾
我來依棲作山長但有魯酒容自斟

書院在泰墩南

破書一任

飢鼠齧稿坐并廢秋蛩吟風聲雨聲攪空闊荒徑雖埽

誰來尋故鄉計程不千里亦復飄泊同羈禽養親那得
備甘脆有婦差免離縈礎浪誇淮南祕鴻寶世上何術
能燒金憂來置身悅西域身熱頭痛心淫淫干將莫邪
弗在手山鬼木客橫相侵四十已近三十過太息萬事
消聲瘖故人磊落我同縣鬱若海底藏天琛廣場共奏
偃師伎絕調不鼓昭文琴江湖有約幾時踐青松白水
要此心年年賦詩歎離索獨立亭角看昏參同游最憶
斲橋塊雙屨步入梅花潯白煙紛紛招鶴語吾輩胸次
都寄崆東風吹春去無迹當頭歲月忽已深蚊蚋一過
毀譽了何用白筆加朝參秬愁身世迫寒餓握甌未許

湔煩襟勞歌相和長相憶肅肅中宵鴻鴈音
原唱聽取勞歌商羽音

春日閒步

春衣暖試東風香柳絲吹面三尺長晴鳩雨鳩唳過屋
一枝兩枝紅出牆誰家寒食上新家有客古寺看斜陽
天公作意勸人醉不辭爛漫傾千觴

哭沈大
沂曾

方謂長安道君應早著鞭如何來片札消息竟重泉
三月九日晨起得西生書第二云雪門忽作古人未敘月日自予僑寓海陵音問多阻正念今日禮闈諸君得意時不意良朋玉樓永歎脊令句蘭如在傷心鵬鳥篇從今淮先召也傷哉

水上莫問孝廉船

寒齋長至夕燒燭喜君過此別竟已矣光陰一剎那已

中冬旋里借榻西生齋中長至夜君來恩惠數語而別自此不復見矣百年幾佳會千里

白春波病草他時見還應涕淚多

淡新榮枯事無因問彼蒼一門擅科目兩世泣孤孀

先生先生舉癸卯鄉薦第一君舉己卯第二生先生歿年四十君歿年三十七母夫人在堂未了青

雲志重添白髮傷九京差可慰頭角看諸郎君多男長君有夙慧

已工詩文

與君同甲子君已作陳人寂寞誰知已飄零尙此身結

交記疇昔把酒獨相親識君昆仲于戊辰歲時予不盡

黃墟感臨風一愴神

寄江浦王四明府

規

屈臨小縣尙淹遲想見垂簾拄笏時清德好爲諸郡最能名難得九重知幾番白黑消棊局回首江湖感鬢絲滿篋長書寫情素暮雲無計慰相思

揚州別與秦淮別併作西風一段愁僑客生涯空仰屋

故鄉燈火憶同舟

庚辰八月與君同至吳門

藕花廬在香無主

君權泰州

時卽藕花洲舊址築廬今已蕪廢不治

桃葉江深水自流曾是去年相見

日冷煙疏雨又新秋

歲暮書懷柬諸同人四首

風雪蕭蕭澈骨寒
半愁須仗酒杯寬
椒花好製春前頌
立春在元旦後
菜把猶登臘後盤
客久人情同冷熱
涂窮天意與團圓
嶢嶢歲事都休問
翠竹當窗耐靜看

一角煙蘿寄此身
關河搖落感蕭晨
遷延已分爲僑客

去住都因戀故人

菊泉明府本有移家江浦之約以海陵諸君相留不果行

囊本無

錐羞自薦家如有
壁未全貧瓦倉年
米煩儲畫畱得高

風說指囷

紫嵐舍人餽米臘中儲畫百事利第一先春年計米石湖句

了無著錄敢稱師
未埽巢痕共護持
吾輩但知交呂好

此生不恨識韓遲
鵲雛豈意遭鴟嚇
隼翼公然讓鸚披

翻爲諸君添激感
分明全局是彈基

謂公畱來歲講席事

恩恩不造唱驪歌窮節光陰轉眼過識曲未愁同調少

無才先恐受恩多

諸君爲子卒歲計各有饋贈

寒雲異縣懷書札

謂菊

泉

落月空山夢薜蘿幾日水程尙飄泊自憐身世竟如

何

曇雲閣詩集卷四

吳縣 曹楸堅 艮甫

趙忠毅公鐵如意歌

君不見天啟四年玉璽出絹本先從夢鯨得何人抗議
忤權璫尚寶姜公竟投劾又不見雌文鼎雷紋觚花紋
兩瓣誇彝鑑羅而致者李從吾力取乃屬王金衢吁嗟
乎金甌不問問奇器天子揮斤本兒戲可惜宣和杯一
語手椎碎可笑定州資千金購其僞鑄錢夜半鼎長鳴
奈此錚錚鐵如意節慎銅缸畱不畱提琴促柱使人愁
五條玉帶今何在都堂寸鐵完千秋何不撫上海銅玉

章何不撫隨州翡翠所握君握君吾語女寫此鐵心心
可見吾欲盛以彬齋之玉匳酌以澄海之金罍毋使蝸
涎蠡蝕隨風埃沙雞飛飛朔雁哀以歌以舞魂歸來篇中
所徵引俱見韻石齋筆談

寄東臺周大西筇庠

攢天冰雪雁歸遲卻話篷窗載酒時令弟琴生客海陵將歸度歲爲河陳
所阻君有歸帆載酒圖臘後未春年計米鐙前先讀故人詩詩集
屬爲一生風月緣難了幾輩江湖鬢已絲同是清愁消
不盡寒梅花發寄相思

冬夜懷人詩二十首有序

寓居無事言念同儔寒月在空碧雲何許各有綢繆之
雅不無悽戾之詞率爾攄懷未能徧及

臘鼓聲中逼歲除翩翩書記近何如料應官閣籠鑪夜

二尺寒檠獨憶子

蔣大澹懷志凝

江皋落葉悵離羣一路肴糧拜使君昨日西風催雁足

不須更讀送窮文

歲杪寄子
卒歲賞

王四大令規

殘宵鐙火夢長安孫楚吟情總不歡千里江淮看冰凍

始知今歲是奇寒

時客
淮上

孫大子和義鈞

無限羈愁一遂中鬢絲吹老鯉魚風石城唱徧烏棲曲

可是東南有二鴻

戊寅秋同賦秦淮紀事詩子
與君同號人多稱兩艮云

趙二

良甫函

小集琳琅快一披蘆簾風雪最相宜苦吟莫笑潘秋柳

君有西湖秋柳絕勝元暉五字詩

潘功甫舍人沂曾

詞一時傳誦車轂春明歎轉蓬蘭臺尊酒幾時同要看五政頒壬癸

設說行人盡避驄

董琴涵侍御國華

早向黃綢被裏眠遙情無復寄琴絃祇因宋玉工詞賦

畱得青溪記事篇

見于廷憶山邵子山大令堂

著錄光陰四十過紉蘭拳杜奈愁何畫屏閒倚吹簫夜

定是揚州月色多

宋于廷學博翔鳳

小樓襖被試鐙天高興吾曹闕尺箋依舊青青楊柳樹

春風閒殺裏湖船

戊寅正月同人游西湖君於湖上設飲

陳芝楣通守

桐生

風情未減鬢先華左手書成每自誇

君右手病顫

蹋徧孤山

山下路逋翁修得伴梅花

孫海珊同寶

親朋到處悵搏沙東武淒涼說舊家臨別一尊燕市酒

浮雲飛絮各天涯

姚訪蓬友壻登瀛

廿年裙屐渺孤攀匹馬蕭條出漢關誰把弓衣繡詩句

一天風雪夢刀環

張蘿山司馬慤田

銕下同將細字看居然孤進有還丹賣文便好修家具

王述他年好長官

舒左江孝廉應鴻

唱和深叨翰墨緣重逢依舊話青氈寒鑪煎餅思人日
看過梅花又十年

吳玉松侍御雲

青溪八月送飛艘腸斷花間倒玉缸三十六鱗無處所

蕭蕭楓葉滿吳江

程大喬堂銘

廿年鄣閫城邊路說著師門總淚零那得如前共鐙燭

西風吹我太鈴鐸

葉蕙汀明府慶熊蘅浦孝廉葆勳昆

仲

淮海頻年蹤跡疏飛騰才氣欲何如閩中錄罷南征賦

清夢還應到石渠

用舊唐書宋廷瑜事
尊閣汪夫人工翰墨

陳小雲司馬

裴之

拍徧宮商付主謳短簫長蘧各清愁
楓江有箇詞人住便是當年水磨頭

戈寶士外兄載

月影淒迷花影消參辰蹤跡太無聊
一從珠箔飄鐙後莫問秦淮舊板橋

史二仲仁磨

何時坐我詩徵閣此夕懷君江上洲
欲采芙蓉渺煙水明月娟娟相對愁

王桺村徵君豫

初春偶作

今年春校晚氣積寒雨餘及茲晴日好
暖風一吹噓拂煙柳欲黃畱翠竹已疏
麥短不覆雉萍開乍游魚徙倚小亭上
裴回眺郊墟物情不可狀寂寞生意初
默觀悟

榮落平心寡戚愉
擾擾何所營
卽此塵累祛

二月九日過俞徵夫宅感賦

羅含舊宅掩蘭蓀
流水依然繞北門
長夜夢魂三載隔
空堂風雨一棺存
漫從篋裏尋詩卷

遺集尚未付刊

猶記花前

共酒尊不用他時看
宿草春煙滿目總愁痕

寄王三

嘉祿

揚州卽次病中襍述原韻并示趙良

甫蔣澹懷宋于廷諸君

惛風晝吹悽曠霽
一堆荒碧攢空林
園焦傾欹鄣叢竹
臥對那更煩幽尋
科頭闌殘比越客
倦羽刺促傷飢禽
欲訪荔蘿討芝桂
客居何以寫滯淫
無多款交別如雨

縱令有酒還孤斟，卻憶維揚共歡宴。君家廚婦工烹燂，

坐中大戶各霑醉。縱譚不顧宵漏沈，過江杜牧劇豪宕。

好詩傳徧邗江涔。

艮甫有三生狂杜牧忽又過江來之句

中年哀樂感懷

抱頭上先有顛毛，侵飛花吹紅絮，吹白重來話舊思。難

任相逢相別裁，數日驪駒就駕，何駸駸。君初移居，向官

舍我獨返櫂，同山陰。

借澹懷至揚與艮甫于廷同寓七日予返泰州澹懷旋返金陵四月

五日再赴揚艮甫先一日去于廷亦有皖江之行君移居離使署

說經鏗鏘數劉歆

謂于

廷高趣落落懷姚吟。

謂澹懷

江南江北渺煙樹，坐歎形影

乖商參。南城使者好文雅，當時賓館開題襟。十客五客

盡得意，酬恩一寸孤寒心。黃墟幾輩痛零落，存者猶有

郭蘭與金山手如君凝峻不可測彈豪屬筆嗣雅音綠楊
城郭作鄉里擣衣不用驚秋礎鐙明磨試鸛鵲研日高
睡穩芙蓉衾主人工詩客工和奇章絡繹招朋欽昨得
君書倍惆悵欲往從之隔水潯經春幽憂託長弄玉微
塵滿牀頭琴相思毋忘通咫尺子雲筆札珍瓊琳

蛩

將身便化妝那得竟無情落葉滿千里懷人到五更客
居總寂寞病耳最分明不作悲秋士明朝白髮生

月

幾年閨裏月仍是異鄉看今宵客中病一倍清光寒風

露逼淒警蕭蕭梧葉殘遙情渺何許揮手乘煙鸞

病中偶成寄王三

嘉祿

坐擁吳絛怯早涼殘書相伴藥鑪旁月痕黯澹秋如霧
風意蕭疎夜欲霜人到中年都感舊病來百事總思鄉
輸他輕燕容還往畢竟雙棲是玳梁

君攜婦回里將以重陽後來揚書中

有輕燕往還之語

病中感懷十一首

白夏徂深秋一病百難遣初時頓牀蓐寒熱苦交戰厥
後筋力疲魯縞不受箭久眠心躁煩少坐目昏眩閉置
局室中朋好艱一面醫師謝不呼藥石空糾纏青熒守

鐙火叢殘廢書卷漸覺清漏遲月魄已三見槭槭風葉
響悽悽物候變羈孤歎早衰何能卜長健勞生快決疣
百年迅流電但當讀南華瘡鬼不須譴

披衣覽窗色杲杲秋日暉西風吹梧桐一葉空階飛早
涼筋骨健百疾俱可治胡爲獨羸頓朝夕守牀幃始知
傷秋士精氣日已衰齒豁未四十星星鬢毛催江潭楊
柳樹搖落使人悲

閉口嚙茶蓼默默知苦辛出門少夷涂寸步危荆榛全
家歎僑寄煙舍無比鄰食指矧逾百儉歲愁米薪俯仰
萬憂集霜露災其身虛中省藥餌痠骨悲嶙峋胡更不

相諒出語翻取喚敝衣徧搜索道我猶未貧逋券積難
了謂我藏緼絀無端來剔剔瑣屑不可論采葛斷葛蔓
刈葵傷葵根嗟哉骨肉親不如秦越人

叢稿四百首編成亦自喜古人難可攀今人誰得擬兩

當

黃仲則

與南野

吳澹川

或許作糠粃英英振巖廊齷齪老

鄉里鄉里多詩人傳者能有幾病骨吹西風酸吟入蛩
耳幽香怨薜蘿坐令屈原歿身後總寂莫萬事都可已
君看青楓根李杜呼不起

故人有王宰風義切友生今春共一舟坐臥兩忘形

三月

七日同君自蘇之金陵

衣冠作蹠躐此中無性情昨者有書來尚

在金陵城與我同病瘡體彊病校輕吳公治第一

九重早知名告我北上日枉道過海陵

君以卓異赴都引見約至泰

州一敘

契闊祗半載羸骸見應驚自從維揚別

辛巳四月索居

感飄零鬱鬱久傷氣刀圭難乞靈君歸埽官廨日置酒

一餅且令百憂失毋使心怔營

吾儕本通倪人事苦拘縛屑屑計米鹽抑抑長不樂況

更遭涂窮棲棲安所託里門朱

西生與沈問

風流入蓮幕

王生

井叔

不羈才梅花詠官閣失意數蔣生

澹懷

頻年歎飄

泊別來住金陵蕭齋面城郭時從士夫游歌樓聽絃索

雖無黃金揮頗復不落莫嗟予病沈絛杯影驚鴛落明

月鑒疎櫺涼風隕秋籜眼穿江上帆鄭重故人約

潯懷書來

約中秋後至此

鴻泥悵墜歡春鐙記珠箔脈脈含孤愁有酒不

能酌

空疏寡經術稱師愧前賢江淮久飄蕩長物餘青瑣去

冬準歸計便買吳江船諸君共畱我畱我又一年

去歲十一

月韓中丞更薦山長海陵諸君具公牘相畱

晨夕種蕉館低頭弄丹鉛娟娟

竹翠交離離桐實圓店作忽三月庭綠含悽煙飛鴻向

東去離聲感琴絃

將以今冬歸里

旣無文通屋又無元亮田豈

必念我土聚散良有緣失路蕙化茅同心夔憐虻幸不

嘲狗曲好聽驪駒篇

子孫非我有天地之委蛻不能廢恩情何所云鍾愛大
兒漸長成家貧宐出贅連年滯他鄉無人議良對次兒
甫上學童心頑未退阿同與阿福僅祗四三歲大父夜
不眠切切念生計窮無十金蓄何以飽麤糲作達非不
知要難免此累但使健奔走奔走弗辭瘁功名我尚然
豈能望兒輩懷此百歲愛倚枕發長喟

昔年抱奇氣單車走長安漫刺棄不用相逢多達官歸

作幕府客后筍喜飽看

居瞻園
兩載

孤雲傍大厦誰肯奉我

歡胥疏成浪游轉覺胸次寬俛眉謁權貴蹙者羞嫵嫵

況復宣明面懔懔冰雪寒哀窮有千金

用昌黎語

換骨無一

丸此病不可藥長歌行路難

史書手一編覽古心不怡高門盛冠蓋夾道朱輪馳一
朝雲中翮墮作井底泥亦有文學士伏案聲吾伊蟲魚
紛注釋兩目嗟昏眊所志在隱逸山巔與水湄蘿荔裁
我服椽栗充我飢但許謝塵垢耕釣皆可師何必事練
臧神仙非所期

蕭蕭鴻雁征幽幽蟋蟀鳴揮我指上絃十指多商聲商
聲一何哀一聽腸一絕霜霰爲之零金石爲之裂絲短
縑不長憂來人易傷河流斷舟楫褰衣獨旁皇我思舊
星辰寥落參與柳我思舊容顏青鏡不能守百年且爲

歡酌彼尊中酒含辛仁美人恩情結瓊玖秋風吹空林
吹作病客吟淒淒入人耳淒淒入人心

有答

卿言我亦復同同了義南華一卷中入世漫爭雞鶩食
千人多分馬牛風寄生窶餒名難覆長柄壺盧問最工
也覺搖鞭時正好有心何待管絃終

沈丈

寶麟

至二首

各比別時瘦秋風吹病顏江湖一宵話歲月幾人間已
覺世緣澹其如生計艱停琴向流水流水只潄潄
梧葉打頭大蕭然其客居衣裘春典盡鎗火夜寒初難

覓宜城釀猶多行篋書出門總歧路歲暮意何如

九月二十三日

商節年年酹一卮冥冥長夜杳無期零香斷素神傷日
瘦蜨疏花病校時枕上寒聲雞唱早江邊霜信雁歸遲
當初不有黃門悼四十頭顱已可知

哭宮春巖

錫齡

我從來海陽歲月日可記款交曾幾人歿者已三四噉

然寢門外自哭黃五

虛谷

始前年哭兪三兄先弟其次

可樓

之逝先

是皆嬰沈疴猶謂意中事今年失靈光上壽

夫兩月

禮華丈以九十二歲終

會葬出東門維時君執紼

叶方味切我

病君過我殷勤問葯餌筋力云少衰一月還再至月朔

走訪友坐上偶相值同君握酒杯同君噉肴馐

九月一日在子

遜寓豈知此一面遂已成永訣

叶居悻切

病風在倉卒呼師

亟診視藥下不能言三日竟長逝君家本著姓列戟壯

門第早儼陸士衡晚學張仲蔚襟情挹沖融圭璧稟純

粹寓居荷綢繆切切見風義歡譙互主賓極飲不需醉

頗問比年來有皇憂家計家計憂無窮白髮暗憔悴千

秋感黃墟一語欲相慰人生七十稀屈指纔少二鵬朋

竝知名弓裘得良嗣烏庠神理微旦暮不可恃墮地望

百年百年亦如寄峩峩馬鬣封惻惻牛山涕巨室偃歸

人間諸漆園吏

甲申十月將自泰州歸里錄別八首

早識人間聚散緣打頭黃葉送歸船琴書跌宕無三徑

淮海飄零已七年黯黯鄉心對水曲

僦賃居葑門

惻惻行色

泰墩前垂楊也是愁攀折一角蒼茫帶晚煙

摩挲鐘篆剔苔餘巷口斜陽認舊居六學幾曾窺窈奧

兩堂重爲埽階除

戊寅秋來泰寓鐘樓巷辛巳州人士重修書院予以壬午夏移居按明嘉

靖時安定書院建經義治事二堂見州志

牆圍密竹煙深處亭覆高梧月上

初奏雅亭舊名四梧亭

昨夜西簾對燈火雪鴻蹤跡感何如

車笠盟言記曩時平生風義友兼師焚香怕檢金蘭簿

作客偏歌薤露詞，斗酒敢忘身後約。素車應示夢中期。

臨行一把唐衢淚，灑向重泉可得知。

激夫尚未葬春巖新逝

叢殘志乘閩年多，開卷烏焉待訂訛。久數此邦盛文獻。

更傳良牧化絃歌，農功且緩求荒地。

時蔡薌濬通守奉檄勘辦版荒地畝

水利應先問下河，難得酈元注經手。一書編定莫蹉跎。

泰州志自東臺分縣後未經釐訂州人仲雲浦宮彤九諸君聘予同紱齋纂輯紱齋專精水利著有南汝光水

志利

寓居清興幾人同，扶杖還來鶴髮翁。

姜桐軒程星泉兩先生

大戶

更番薤酒國名園，取次顧花叢。

連江薤薌屢有賞花之譙

一冬魁蛤

論斤賤三月，鰯魚入饌豐。此去故鄉愁米價，午炊閒話

泰州紅穀名見州志

箭籥回廊步履巡紙窗竹屋少比鄰烏蘭寫徧懷人句

清鬢消殘舊日春游釣豈能忘故土飢寒祇恐離去衰

親歸里後將赴菊淮南桂樹添悵悵幾度秋風瑠瑤身

諸君聽我鼓嚨胡不待聲聲喚鷓鴣家具少宜三板舟名

敢歸糧貧到一甌無連名何分勞書牒海陵諸君曾具公牘相畱屈

指頻年已濫竿莫遣搏沙容易散青鞵畱約小西湖在州

治西泰墩下

解事離騷賦卜居寒雲江介渺愁予代飛燕雁參消息

過眼蚊蚋了毀譽疏懶竟同嵇叔夜倦游難比馬相如

留過五日揚帆後重使行人感執袂

始擬二十五日解維因諸君相留改

爲仲冬朔日

王四明府書來知丹陽水淺不可行將以明春言

歸口占卻寄

津梁阻歸櫂昨得江南書況以長卿客而無仲蔚廬鄉
心在春牛人事逼冬除若讐浮家者吾生定不如

哭王三井叔

嘉祿四首

七月得君書云將歸故里我時一把骨痠作不能止陳
生小過海陵殷勤問諸子思君葑溪屋望君邗江水邗
江折向東中流有雙鯉阿兄一紙來烏庠君不起君未

知我病我乃知君

來書云攜婦歸家重陽後仍來揚州而君以九月七日卒

團團秋茅榮鬱鬱春蘭衰茅亦有衰日蘭亦有榮時雨

露均所覆苑枯雨不知世方少傾城眾或妒蛾眉豈能

謝謠詠千秋識嬀施我欲箝我口悲哉蔣生

澹懷詩

君母我之姑君婦我之妹仲冬到君家白髮慘相對堂

東總帷張明燭照我拜拜起旁無人悽焉發長愀年齡

卅載短詩卷幾篇在區區身後名亦復同委蛻何以慰

生者寂寞邱壠內

君已葬

挂席其良友朝渡楊子津相逢各繾綣絲竹酣殘春

三月

事重來訪官廨話別酒幾巡

四月五日事

此別覺惘惘冥漠

豈有因此別竟長
別人事那可論
西風隕黃花
東浪漂白蘋
我猶江介客
君已泉下人

歸里覓屋寄居
朱二墨池園者
半月解維之夕
置

酒極歡用賦短歌并示沈二

彥曾

西頭日落池水涼
東頭月出池水光
水木蕭瑟含清商
長堤皚皚作冰色
多少哀鴻悲澤國
欲歸不能留不得
十月十二日暴風寒甚高堰十三堡決
口水結成隄傳聞淮揚一帶多被水患
故人酌我鸚鵡杯
殘月還照階前苔
短歌微吟相裴回
吟成莫使蛟龍怒
拍天波浪公無渡
明日扁舟過江去

泰墩晚眺

木落斷歸鳥西風吹鬢涼樓臺見殘雪城郭有斜陽寂
寂僧寮閉蕭蕭竹徑荒憑高望鄉國幾點暮山蒼

望見江南

諸山

乙酉二月四日自泰州奉父攜家歸里得詩三首

全家上輕艘浩然作歸客城西少人煙布帆風惻惻雷

雨忽掀空叢樹晝深黑維舟沈家渡

距州治十五里

鐙火已向

夕薄醪奉我親旅居話疇昔殷勤感朋交涂窮畱不得

五兩祝桅旌行行到鄉國

鄉國豈云遠寒士獨苦貧誰知到家日卽已無米薪涉

江喜風利官解逢故人揮金仰高誼窮薄能相親

七日渡江

八日至丹陽
晤菊泉大令芳草日以綠岸花正當春安得買魚具扁
舟泛西津旨甘迫我念埃壘勞我身

我今已四十逡巡感流光顛倒乏良算寸心徒殉皇賃
居數椽屋瑣屑煩料量同閑走相賀爲治酒一觴
芷橋
生諸君道我出門久兒輩如許長歸來飽麤糲慎毋去
其鄉此事那可彼此言何能忘

偶興東里門諸子

春波一櫂暫言歸寂莫新居畫掩扉風雨又催寒食過
鶯花如恨酒人稀半生涕淚餘詩卷隨處江湖有釣磯
看到故園芳草色青青還自上行衣

到家十五日重赴泰州舟中雜遣

風尖雨細別離辰
料峭春寒不釀春
耽酒怕禁中酒味
還鄉仍作去鄉人
幾番潮上催津鼓
何處花開動畫輪
莫更江關問詞客
年時懷抱總酸辛

殘陽城郭酒旗邊
又過楓香二月天
遠樹四圍波渺渺
長隄一色草絲絲
蒼茫雲路無鴻鵠
寂寞春聲有杜鵑
明日風帆渡江去
吳歌愁聽夜航船

玉鉤香豕慘靡蕪
還見傷春杜牧無
一水彎環看白塔
幾人涕淚灑黃壚

謂井叔

胡槽雪挽清商曲
夜燭烏絲摘

句圖不道去年文
酒地垂楊如夢客
程孤

空亭還去翦蒿萊積雨牆陰滿翠苔幾樹杏花都落盡
隔年燕子定歸來予至泰州纂志仍居講舍勞人動有參商闊退筆
應無著作才重與朋歡話家計春衣未著券成堆

題李梅生

有黃壚感舊圖

彈指前塵感尺波蕭條門巷有誰過美人天遠尋鸞鶴
山鬼秋深語薜蘿宿草青如雙鬢減夕陽紅入九原多
傷心不買壚頭醉鄰篴聲聲奈爾何

不寐

祇有酒能遣其如餅已空夢遲孤枕畔春盡此宵中次日
立窗際暗沈月鐙痕涼怯風誰知香露好花發鼠姑紅

寄題王柳村豫焦山志用淵明讀山海經韻

一從役人事遂與名山疏頗思學古人山中結精廬有
酒足自適飲罷還著書夫君託潛默佳約阻巾車相期
止園舍荷鉏理春蔬明月照滄洲俯仰片雲俱棲游覽
新編閉影良可圖緬懷京口隱懋賞意何如

謝佩禾堃至泰州徵詩光孝寺住持慈濟上人畱

宿精舍竝助剗劖事予喜上人之能近風雅也

因貽以詩

不意徵詩客來參選佛場清齋喜蔬筍幽韻出松篁雨
洗天花淨風吹夕磬涼吾儕一無事結習笑難忘

吳思亭自

揚州來訪芸士次日雨中同過光孝寺早飯與佩禾左亭諸君談詩竟日

衣鉢誰相授能詩釋皎然前住持炳公西公俱著有詩集此中第一義

卽是上乘禪爲有千金享因遲三宿緣青熒龕火在畱

與照蠶眠

古意

郎言看花去儂道乞花來花花好顏色應是爲儂開

山南有甜桃山北有苦李同時不同根何因得連理

贈郎笥中刀看儂機上絲翦罷手重理絲絲無斷時

食果莫食梨種樹莫種棗不因今日歡那知昨日好

得家書作寄呈大人二首

緘題兩字喜平安風雨蕭齋把燭看近別無如疏定省
老年最要慎餐眠音書一水猶多阻稊覈全家亦大難
何日歸氛容卷跡新居鄉心只傍釣魚竿

葉頓華承本一枝苑枯消息竟難知寒門未必無雛鳳

謂麗堂叔稼山鄴仙兩弟乖氣何因有嚇鴟息事宜判焚重產時族中有

事訟應人誰解顧榮施道南最是長貧好閒向中廚話

斷炊

卽景次楊芸士文孫韻

早蟬嘶處煙平屋孤鵲飛時月上牆獨自碧蘆紅蓼畔

始知江北是他鄉

將應省試由京口之丹陽口占示王四明府

親蔣

大志凝

槐花風裏又相催
跳浪年年笑曝鰓
卻指南徐好山色
抽帆先訪故人來

七月十三日自丹陽偕趙良甫蔣澹懷赴試金陵

途中有作三首

相顧各老大猶此覓舉行
世無六一翁孰者司文衡
有耳聽皇勢自度不中程
況復迫衣食奔走臣精標
梅期已過可守不字貞
又弗託良媒百兩誰相迎
蔣生謂不然吾曹難合併
三年一蓼盍聊借秋賦名
過江好山

色遙指金陵城金陵有佳俠雜弄琵琶箏中秋出號舍
皎月團團生開簾理清曲大勝歌鹿鳴墨水不必罰美
酒且共傾

髯也來吳陵一見快胸臆豈意兩韓翃同時客江北

良甫

贈菊泉詩有韓翃世有兩之句以與予同字故虐暑正薰天交扇汗流脊誰爲

逃暑飲獨有高季式謂麓莽俗吏詎好賢官舍苦偪仄忽

聞理櫂歸杯酌不數夕贈我長句詩珠璣粲盈尺可惜

蕭荷花舉典未能識司書定有蕭荷花良甫見贈句有自注志局神名予未知出處也有

倡竟無和至今愧諾責今宵喜同舟翦燭笑譚劇魁然

七尺軀所志亦奇特拍張致三公悔不早弄戟區區帖

括間富貴那可得

良甫軀幹甚偉故云

平生慮不測涉江畏風濤兩君畏於我到此氣不蒙山

腳石尤阻比櫛聯吳舫饑蠹恣血食鍼啄攢毫毛侵晨

舍舟去毒日甘煎熬

十四日由新河至棲霞口予僦泝江而上兩君持不可適爲風阻而

試胎畢集覓一驢不可得遂徒步就陸秋陽酷甚

徒行不十里予疲厓尻出

錢喚籃輦快比擁節旄江山擅雄麗萬雉秋雲高王謝

久不作弔古來青袍古今一邱貉兩鬢看蕭騷縱有千

萬春出入毋乃勞所幸猶善啖吾敢笑老饕

秦淮喜晤諸君各系一絕句

玉沙瑤草恨茫茫翠羽新添陸賈裝

新自嶺南歸

吟得板橋

微月句不銷魂處也迴腸

宋于廷翔鳳

附錄

長洲
宋翔鳳
于廷

青溪不到小姑祠
煙裏垂楊弄幾絲
待得板橋微有月
斷腸人已立多時

錦瑟淒涼屬疾辰
華燈飄夢感前塵
坐中誰是黃衫客
獨把清歌動美人

孫子和義鈞

隔院清鐘向夕催
沈郎可是不勝杯
分明別後歌桃葉
聽說前宵打槳來

沈蘭如彥曾

錦裘繡帽最翩翩
揮盡團花五色箋
一樣詞人好姿制
不應蕭瑟過中年

史仲仁磨

肯使臣冠挂玉釵近來也解說風懷酒鱗吹動梨花盞

看到明金壓繡鞵

朱西生綬

樂府編成手自抄引商刻羽費推敲

著有詞林正韻

紅牙只按

吳娘曲花月秦淮一例拋

戈寶士載

依然席帽券疲驢消息頻年斲尺書不向繁臺聽簫管

秋風獨自病相如

自河南來以病不試

褚仙根逢椿

擊筑彈箏舊酒徒浮雲身世一歌呼逢人眼作車輪大

酣法如君也絕無

陸東蘿損之

丁字簾前感舊游青衫幾度白門秋南城賓客君猶健

可惜年來喪應劉

激夫井叔與君先後客賓谷齏使幕中今兩君已逝

金手山

襄

一曲繁霜思不禁秋宵無奈漏沈沈玉鉤詠與銀鉤字

抵得當筵買笑金

沈芷橋廷炤

蠟燭燒殘話未休轉因舌澀見風流高才不遇尋常事

莫把文章示魏收

徐季雅穎

名場如我笑蹉跎且共尊前聽豔歌獨數君家修月手

一身風露避姮娥

吳清如嘉淦

談念堂

承基

戴桐孫

守梧

馬棣原

功儀

汪鄴樓

度

招集城北東嶽道院坐客二十餘人詩以紀之

野竹靜宜暑殘荷香到秋人稀猶有市橋盡不通舟勝

地足幽討清尊互勸酬諸公擅文筆吾敢廁名流

秦淮秋泛

香簾畫閣幾家存又聽烏啼白下門秋水自添雙鬢影
垂楊還寫六朝痕橋梁宛宛來時路歌管悽悽別後魂
欲向微波通一語十年前事總難論

高紫嵐舍人筠以紹興酒詩見示同賦

郛筒空費藕絲苞見成都古今記此是山公耐久交大戶畱連

誇浙甕二字見太平寰宇記女兒風味配吳庖女酒之名見南方草木狀南人皆釀

之今惟紹興有女兒酒千錢不惜人間買三酸誰將釀法教便使

中年少絲竹蓬萊春色未應拋紹興新造蓬萊春酒見貴耳集拋青春亦酒名

徐竹薌鳴珂有食蕎麥詩四十韻高紫嵐賦七律

二章卽同其數

且教洩屑付湯官爾雅唐書懶更看

竹薌詩引爾雅及唐書高承簡傳

當戶月來先命酒解霜雨過好登盤僑人那有居冬穀
喚我真宜別室餐忽憶花開春社後廿年風景隔且蘭

滇多苦蕎花開在三四月予舊有蕎麥花開白如雪句

分餉貧廚意獨親拈豪敢詡筆如神形容烏柏知難似

消息黃鵠記未真解得風詩都有託傳來俚語豈無因

飽餐便作遊仙夢爲問銀河手種人

時譚及陳風詩注葉如烏柏見羣芳

諧諺有黃鵠口噤蕎麥斗及銀河去種蕎麥語

連夕同人小飲賦懷三首示周西岑

庠徐竹蔭

珂高瀛洲

鑒

家近猶爲客吾曹感慨同

西岑家東臺

一江落木外萬事酒

杯中入夜霜風緊當窗蠟照紅莫投蒲博具此戲亦英雄

難得是知己如何病此人

瀛洲令兄曼亭明府自去秋病後不得見者一載矣往

時劇歡譙終歲斷朋親況以應官日長爲屬疾身平生

不善哭爲爾一霑巾

荒齋容止泊梧竹自修修山鬼猶能賦佳人不可求幾
番成薄醉竟夕擁寒篝惟有銜蘆雁知予雙鬢秋

消寒八詠同高

筠周庠徐鳴珂作

癡

不了閻浮種種緣是關情處總纏綿
神仙黃白原非想兒女青紅亦可憐
未必逢人皆鈍漢何妨喚我作奇癡
生來也自妍皮裹一笑難成脫殼蟬

懶

牀頭書籍任縱橫戶外簪裾罷送迎
自有通人能識我本來世事不干卿
忘形便想邱明士多累還愁向子平
猜破天堦容易解從他蠻觸鬪心兵

醒

寒缸無燄漏聲遲又是清宵恨斷時暮雨朝雲空讀賦
曉風殘月正填詞廿年閨眼人長別百事攢眉境可知
擁著蘆花衾一幅起看秋鬢定絲絲

癖

難從人海覓知音一笑吾徒結習深嗜酒便思傾十榼
耽詩真欲享千金漫呼靈運爲山賊可信佟之是水淫
最有祖家錢篋子能畱此癖到如今

驢

青衫得得跨疲驢勝買街頭薄笨車側帽籠鞭人去後
野橋孤店客來初吟詩自許山僧贖折券還勞博士書

廿載風塵嗟旅食試看吾腳定何如

吾腳何如驢
腳見內典

蝨

么膺詎是齧人蟲生計長謀敗絮中湯沐具時吾未忍
脂膏分得爾何功望來便有成牛喻捫去徒教振蚤同
避跖就顏真可歎解嘲空自賦龜蒙

蝮

寒煙深處莫呼名多少緋衣誤此生大有禪心歸寂滅
試談劒術亦縱橫棲邱飲谷高人伴落月荒江旅客情
一白玉環畱獻後相思添得斷腸聲

鶴

閒雲來去等無家坐畔矇矓亦可嗟片紙何曾來闔苑
一生只合守梅花略知識字饑能忍若話乘軒事本賒
獨自裴回口長噤墨痕塗處有啼鴉

題揚州金雪舫茂才

長福

青鐙讀史圖

有酒有酒盡一斛有史有史不必讀二千年事同積塵
二千年人同轉燭我欲紀銅柱銘燕然手執大黃腰龍
泉衣一品衣冠貂蟬君不見高門大第銷雲煙我欲田
萬區奴千口紫標黃標守者守君不見瓊廚金穴無何
有美人滿堂妙修嬈我爲若歌若爲我舞傾身奉君相
媚嫵君不見秦娥衛豔皆黃土書咄咄笑宋宋出愁入

愁愁偏仄頭上顛毛如雪白君不見夜郎流長沙謫自
古文章竟何益烏虜有史二千年若水不挂義和鞭麻
姑蹶然啟玉齒一笑滄海成桑田青楓樹根狐兔掘李
志曹蜍亦俊物昆明池乾吹劫灰行尸走肉真快哉男
兒何事長局促三寸毛錐老而禿荒煙蕭蕭風颭颭一
點寒鐙射秋屋叢林月黑杜宇號有人夜枕骷髏宿

張子涵

樂

自金陵見訪述事寫懷卽以爲贈

白下談詩舊酒樓蕭然襍被又吳州功名莫問烏紗帙
風月都消紫綺裘梅子一尊高閣雨蘆花雙鬢大江秋
漁弟漁兄驚老大可憐頭
白尚江湖君詠蘆花句
手中寸寸琅玕碎何止霑襟

賦四愁

冰凍長淮有客還軍門同唱月彎彎

去臘道出瓜州相值二波官寮同赴

曲昏鐙版榻眠瓜步斜日鋒車指蒜山

見贈有聯榻隙風頭腦吹過江

還共鋒車馳之句

已見陽城能撫字

謂菊泉大令

可堪庾信尚江關

謂瞻懷

重逢好盡西窗話一樹煙條忍更攀

哀絃譜後各傷神彈指華年感漏因送玉麝香千點淚

吞花臥酒幾回春

見題拙著有哀絃廿四譜流離及吞花臥酒倦遊時等句

家山桃

葉銷魂地夫婦鷗波絕代人豔煞汝南灣一曲我儂還

是異鄉身

近居汝南灣繼室岫嵐夫人工畫

好寫扁舟訪舊圖浪花如雪捲菰蒲不平身世悲碁局

無恙河山對酒壚

君舊友仲雲礪鄒耳
山俞徵夫皆下世

老屋晝陰啼謝

豹荒墩月黑走神狐

書院後
即泰墩

蕭寒那有金銀氣滿把芙

蓉贈左徒

和作

上元

張

樂

子涵

龍江煙雨閣江樓丁字簾前瓜字州兒女英雄空昔
帽梗萍身世敝貂裘茫茫功業炊槐午草草鶯花到
麥秋賴有同心相慰藉三旬消盡古今愁

未有田廬待客還入時眉樣尚須彎魂銷舊雨尊前
蘧夢繞家園枕上山興到且拈三寸管狂來誰奪一
夫關平生龍性難馴久笑我交穠是仰攀

宣室何年問鬼神飄零如此信前因要除草莽千秋
想只有蓬萊一盞春肯把閒雲酬處士惟尋香草贈
佳人闌風伏雨蕉花館珍重寒瓊著錄身

黃金亦似佛難圖一櫂煙波去綠蒲試問豬肝長作
客何如犢鼻去當壚文場入彀行天馬詩思通禪黜
野狐記得臨歧眞實語齋規只此告生徒

題子涵扁舟訪舊圖

鵲鵲聲裏榜輕舟未可江淮欠此游卻憶城南訪張籍
六朝殘話白門秋

詞客心情託女蘿一杯相勸意如何眼前舊雨還今雨

只怕重逢白髮多

題高麓庵刺史

垂慶

三峰園圖用十五咸全韻

三峰削劣神工剗結體皺痠尖礫崑劃入苔色青巉巉
俯瞰洞穴通嶽崑煙霧外塞中空嵌森如積鐵捫功城
疑有靈寶祕石函撐雲老榦檜與杉皮皴骨出貌儼儼
聳立不許羣木攙方塘流水聲潄潄注目可數游鱗纖
孔雀對舞毛彡彡

園中舊有二孔雀

平地寸步收千巖只少茸

客來牆廡主人才情迴不凡漢二千石榮頭銜行擁朱

轂影旗繆豈其伏處避謗讒華堂畫長燕昵喃逍遙猶

著隱士衫竹林雅好從籍咸

瀛洲徵士君從子也

長瓢短杓設酒

監金齋玉膾調酸鹹分別賢聖相誦誦坐對麴生流涎
饒渴若怒馬馳驚颿擔風握月工談詡搦箏不勞女手

摻獨奏長弄音颿颿美哉琴德感至誠君工琴枕山樓谷

幽抱緘便擬采藥攜長鏡胡爲十幅催歸帆同人集飲園中時子

涵將歸張之壁上圖勿械霜豪禿盡秋兔毫操觚率爾

詩可芟有此長句君無嫌前年曾題三體詩於別幘君意不愜屢以爲言故戲及之

書感

海色西風滿郭秋接天煙浪怕登樓請看淮水成洪水
莫道吳州是上州夜宿寒蘆還有雁春耕荒草已無牛
舉頭那得光明燭照見流亾萬戶愁

秋齋雜遣

闌干西畔屋東頭
新月如霜照瓦溝
虧煞黃鶯啼一箇
梧桐庭院不知秋

香殘酒冷意如何
悽絕當年水調歌
不要中秋有明月
西風雙鬢笑恆娥

一枕游仙喚未回
清吟吹上閨風臺
玉沙瑤草無人地
可惜堯賓只費才

擬種秋葵一兩枝
風簾殘燭好題詩
道家裝束分明見
記起宮黃捧額時

綠楊深巷酒人家
一曲繁霜感歲華
無限春條總零落

香齋詩集 卷四
牆根畱得斲腸花

看書一味長疏慵
煙徑蕭條斲客蹤
幾陳亂蟬嘶過了
都將心事付秋蛩

梧陰稀處透斜陽
纔到黃昏點滴長
天一番晴一番雨
不爭人世有炎涼

一樹芙蓉照水濱
遲他三十六魚鱗
風多露重秋聲裏
細細清宵憶著人

愍災詩六首

有序

道光甲申冬高堰十三堡決後以次繕完禦黃壩堵閑
兩年漕艘改爲般運丙戌夏六月洪澤湖水長當事愍

隄工不保遂啟放五壩過水而揚郡七州縣當下游者
不數日間田廬盡沒雞犬無子遺校嘉慶丙寅決荷花
塘時爲害尤劇予客海陵距北門里許人煙蕭寥萬室
波蕩加之旨風怪雨發作無節觸淒慘之懷寫流離之
狀因事命歌代口述而已

開壩行

種稻忙望稻熟今年稻好收穫多陳穀完時賣新穀稻
未收洪湖水長日夜流治河使者計無奈五壩不開隄
要壞車邏開尚可昭關壩開淹煞我昨日文書來六月
三十申時開一尺二尺水頭縋千家萬家父老哭

搶稻行

低田水沒項高田水沒腰半熟不熟割稻苗水中撈摸
十去九鎌刀傷人血滿手生稻不成米熟稻一把無官
說今年不要租難得稻頭一兩寸畱作糲兒粥幾頓屑
麥爲粉煮以爲粥秦人謂之願天活民水早退茫茫不
糲兒粥糲作采音俗字也辨東西界搶得稻來無處曬

破圩行

倉皇出門告田主前後圩田要加土主人已費十百千
農夫解衣還質錢兩手撈泥泥漉漉一斗黃泥米一斛
走圩東走圩西太陽初出雞又啼手僵腳腫不覺饑大

家保護半月功寒天有米到腹中但願日日東南風東
風不來西風大前圩後圩一齊破

賣牛行

牧童面色如灰十牛五牛穀餽來今宵牽向城外宿
城裏明朝喫牛肉牛牛食我草牛牛耕我田無田無草
那養汝養汝那得到春天夜半餵牛對牛哭牽牛進城
牛有犢牛牛爾勿怨聽我告訴汝賣汝得錢能幾許有
男賣男女賣女

拆屋行

水連牀牀連屋大兒小兒盡匍匐牀前漸米牀上炊那

有乾薪一兩束黑夜沈沈兒墮水夫叫妻號救兒起不
聞兒啼兒已死鄰家有小船兒女安穩眠我家無船屋
裏住水來更向何處去不如拆屋取屋材粗索細桷併
一堆兩頭用繩縛作筏漂東漂西波汨汨未定一家誰
死活

查災行

雞毛文書絡繹催明日官府來查災四邊汪洋天一色
挂起風帆向西北某村某落在何處惟見墳頭三兩樹
父老叩頭言聽得官府喚天災流行那敢怨官府親來
百姓願 當今皇帝大聖人頒發 國帑救我民白

金萬兩錢萬緡兩大口三小口官府莫交胥吏手

秋霖七日夜不止下河居民不可問矣慨然賦此

竟作盲風怪雨天從教墟落斷人煙危隄自比三防固

三大防見唐書李適之傳

大壑能容萬井填但見周圍都白浪不知

何路更黃泉使君便把流亡繪空使

官家費帑

錢

哀流民八月二十一日作

濃雲壓頭天不霽十家九家大門閉大門開流民來嗟

爾流民何用來揚州七屬同此災可憐官府太解事船

船送得夫妻至

聞寶應具船送饑民出境

此間何地可容身但看北

山寺裏人

散撫卹錢票處

不如還向江南去聞道江南雨不住

況有風波隔大江津吏闌人不得渡流民聽我言言之

涕垂胸自從口決十三堡

天子旰食愁河工坐費

帑錢數百萬至今糧船還未通下頭過水已通暢

昭關

壩開後官檄中有過水通暢語

上頭濁浪聲洶洶壩開欲殺黃水勢流

民又見來安東

黃水甚大聞以八月十三日開王營減壩

河官自有隄防責

誰令爾鄉爲澤國莫怨河官怨河伯

夜讀蔣

志凝

詩卽贈

蛩蛸何能共一生鬢毛蕭瑟對殘檠江湖易感窮秋氣
花月難消變徵聲不信苑枯都有據自來身世最無情

東山那更煩絲竹早覺哀絃指上并